

RISALAH AL-FATH

MASJID AL-FATH, JALAN LAGUD SEBRANG, TENOM, SABAH

09 Julai 2010

EDISI PERTAMA

27 Rejab 1431 Hijrah

JOM KE MASJID...!

Dari Ubai bin Kaab r.a. Katanya: “Ada seorang lelaki yang setahuku dialah yang paling jauh tempat tinggalnya dari masjid. Walaupun begitu, dia tidak pernah ketinggalan solat berjemaah. Kata orang kepadanya: “Alangkah baiknya jika kamu membeli seekor keldai untuk tunggangan kamu di malam gelap atau di panas terik.” Dia menjawab: “Aku tidak suka tinggal berdekatan dengan masjid kerana aku ingin supaya setiap langkahku pergi dan pulang dari masjid ditulis Allah pahalanya bagiku.” Sabda Rasulullah S.A.W: “Allah mengumpulkan pahala semuanya itu bagi mu.” [Riwayat Muslim]

Huraian Hadis

Begitu indah 'panggilan Allah' sehingga orang yang benar-benar beriman akan segera berganjak dari kesibukan mereka untuk segera menyahut panggilan-Nya. Demikian juga banyak sekali keutamaan yang diberikan kepada mereka yang memakmurkan rumah Allah [Masjid]. Maka sesuai dengan kemajuan hari ini juga, banyak surau-sarau dan masjid yang cantik dibina bagi memudahkan kita untuk solat berjemaah. Apatah lagi jika surau atau masjid itu terletak berdekatan dengan kediaman kita. Tidak perlu kita berkenderaan untuk ke sana. Namun kelazimannya manusia sentiasa tidak bersyukur di atas nikmat tersebut yang jika direnungkan amat ketara sekali pengabaianya. Ini terbukti apabila kebanyakan masjid tinggal terbiar, sunyi sepi tanpa dimakmurkan oleh ahli kariah masing-masing sedangkan fungsi masjid amat luas iaitu selain menjadi tempat mendirikan solat, ia juga berfungsi sebagai tempat untuk melaksanakan aktiviti ceramah, majlis ilmu, aktiviti kemasyarakatan dan sebagainya. Hari ini apa yang menjadikan masjid meriah hanyalah jika tiba bulan puasa dan Hari Raya.

Meskipun kedudukan masjid tidak jauh, ternyata kita tidak tertarik untuk ke sana. Kata orang, hujan atau ribut tetap diharungi kerana hendak mematuhi peraturan kerja. Tetapi jika hendak ke masjid, meskipun tidak hujan, panas, jauh sekali, ribut petir kita tetap tidak pergi ke masjid. Betapa kita menilai bahawa pemberian gaji dan pahala itu seakan sesuatu yang asing. Kerja untuk dunia dan solat untuk akhirat. Sedangkan kerja juga suatu ibadah yang ganjarannya selain datang dari manusia berupa gaji, ia juga datang daripada Allah yang dengan sifat Pemurah-Nya memberikan kita rezeki [melalui kerja tersebut] dan Dia jugalah yang memberikan kita pahala jika kerja itu diniatkan sebagai ibadah yang dilakukan kerana Allah. Maka kita selaku manusia sewajarnya bersyukur kepada-Nya dengan datang beramai-ramai ke masjid untuk memakmurkan rumah-Nya yang sekalipun kita tidak diberi gaji untuk itu tetapi yang penting kita dikurniakan pahala dan keberkatan oleh-Nya. Bukankah itu sebaik-baik jalan bagi manusia menuju kesejahteraan hidup memandangkan bahawa bumi ini adalah milik Allah dan kita hanyalah makhluk yang kerdil yang menumpang sementara diatasnya. Justeru, hidupkanlah masjid sebagai tempat untuk menunaikan ibadah secara berjemaah selain mendirikannya di rumah secara bersendirian ataupun bersama keluarga!

JAWATANKUASA MASJID AL-FATH

PENAUNG

*Pegawai Perhubungan
Jabatan Hal Ehwal Islam Negeri Sabah*

PENASIHAT

*01. Tuan Imam Ridzuan Kadim
[Imam Daerah Lagud Sebrang Tenom]
02. En. Jamawi Jaafar
[Ketua Pemuda UMNO Tenom]*

PENGERUSI

Tuan Hj. Hassan Wasidi

TIMBALAN PENERUSI

En. Azmie Rithauddin

SETIAUSAHA

Ust. Raman Akmat

TIMBALAN SETIAUSAHA

Pn. Aisah Amat

BENDAHARI

En. Ahmad Latip

AJK BAHAGIAN

BIRO DAKWAH & PENDIDIKAN
Imam Ridzuan Kadim

BIRO PUBLISITI

En. Mohd. Samizul Samad

BIRO PERALATAN

En. Ibrahim Tensem

BIRO KEBERSIHAN / KECERIAAN

En. Idris Koroh

BIRO REMAJA / RAKAN MUDA

En. Ademan Bian

BIRO WANITA

Pn. Ardiana Mohd. Basri

BIRO KERAJIAN

En. Dullahsim Hj. Abd. Aji

BIRO KEBAJIKAN

En. Samron Aliasmat


BIRO PERKUBURAN

En. Mohd Suffery Abdullah

BIRO EKONOMI

En. Roslidi Usul

'KEAJAIBAN' MATA...



*See The Black Dots In The Middle For 10 Sec
And Look The Nearest Plain Wall*

*Cuba lihat tiga titik pada kalimah ALLAH
selama 10 saat dan alihkan pandangan
pada dinding / ruang kosong.. Lihatlah
keajaibannya..*

Subhanallah..

.....KALAM EDITOR

Bismillahi walhamdulillah...

Assalamu'alaikum w.b.t

*Alhamdulillah, bersyukur kita kepada Allah
S.W.T kerana dengan Izin dan Kasih Sayang-Nya
dapat kita bertemu dan sama-sama mengerjakan
ibadah di hari Jumaat ini, Penghulu Segala Hari.*

*Setinggi-tinggi kesyukuran dipanjatkan kepada-
Nya kerana Ahli Majlis Jawatankuasa Masjid Al-
Fath, Lagud Sebrang telahpun dibentuk tidak
berapa lama yang lalu. Semoga dengan amanah
perlantikan ini, masjid kita dapat dipacukan ke
arah yang lebih baik dari yang sebelumnya,
insya-Allah.*

*Antara usaha pihak AJK Masjid untuk
mengimarahkan lagi fungsi dan peranan masjid
ialah menerbitkan satu bahan yang menjadi
medan maklumat sesama muslim sekitar masjid
Al-Fath. Justeru, 'RISALAH AL-FATH'
diterbitkan secara mingguan menemui jemaah
Al-Fath.*

*Masih banyak lagi kekurangan yang wujud pada
'RISALAH AL-FATH'. Namun, insya-Allah pihak
AJK Masjid akan memperkemas dan
meningkatkan lagi kualiti risalah ini. Sebarang
cadangan atau berita, amatlah dialu-alukan
kepada pihak kami. Sehingga bertemu lagi di
edisi yang seterusnya. Wassalam.*